

ները 700 ոսկւոյ արժողութեամբ. կտակեալ տուներուն արդիւնքովն, ըստ կտակի, երկու աշակերտներ պիտի դաստիարակուին ժառ. վարժ.ին մէջ: Տն. ժողովը կ'որոշէ այս երկու տուները ծախել, ու անոնց փոխարէն, Երուսաղէմի մէջ կալուած դնել. (Արձնգր. Տն. ժող. նիստ ձմր. 1891, էջ 60):

ՄԱՐԿՈՍ ԱՅ. ՊՈԼՍԵՅԻ. — Մբ. իր մասին կը կարդանք Մինաս Ամգեցիին Օրագրութեան մէջ. «եկաւ Մսրայ Ղաւովսով, և մեք (Մինաս պտրք. Ամգեցին) սեղանի վրայ դուրս արինք զինք. յետոյ Եսային և Կիւրճիրն իրճա. օտա տվաք իւրն. Մսրա խազնայն զերուսաղիմայ սուրբան եբեր բողճճ (=2480) ոսկի»: Մարկոս ար. և Կիւրճիրն (Պետրոս վրդ.) կը դառնան (յեգիպտոս) «հրամանաւ նոր վէքիլ Յովհաննէս վրդ. Ամասիացւոյ.». որ է փոխանորդ Աւետիք պատրիարքի. սոյն օրագրութեան թուականն է 1701, գեկտ. 28. և 1702, նոյ. 20. նոյն միջոցին Մարկոս ար. կը յիշուի Առ. եգիպտոսի. կը թուի թէ՛ անոր պաշտօնը երկարած է մինչև Կոլոտի Երուսաղէմի փոխանորդութիւնը: Գրիգոր պտրք. Շղթայակիր իր Ինֆնակեալագրութեան մէջ (ՄՁ. Թ. 532) կը գրէ թէ Մարկոս ար. Պոլսեցին երկար ժամանակ առաջնորդ եղած է եգիպտոսի: Յովհ. Կոլոտ իր Վէֆիլոքթեան ժամանակ 1713 ին Պոլիս կ'ըրկէ այս Մարկոս արեղան՝ ժողովուրդը ուխտաւորութեան յորդորելու համար, բայց ան Ս. Ածածնի. եկեղեցիին մէջ դէմ կը խօսի Կոլոտին, ու համոզելով օրուան պատրիարք Յովհաննէս Գանձակեցին՝ անկէ կ'ստանայ Երուսաղէմայ վիֆիլոքթիւնը և իր վատ արարքովը ծանօթ Պալքթէսէրցի Հայրապետ անուն աշխարհականի մը հետ կը դառնայ Երուսաղէմ. բայց կը մերժուին, ու դարձեալ Յովհաննէս Կոլոտ վրդ. կը վերստանձնէ վիֆիլոքթիւնը: Ս. Յակոբի ընծայած յիշատակներու մասին (ՄՁ. Թ. 532):

ՄԱՐԿՈՍ ԴԱՐԱՆԱՂՅԻ. — Լս. Ս. Յարութեան 1614էն սկսեալ, Գրիգոր պտրք. Պարոնաէրի օրով: Համամայր եղբայր Դարանաղցի Գրիգոր վրդ.ի. իր մասին լաւագոյն վկայութիւնը կը քաղենք Յայրապետի մը յիշատակարանէն (ՄՁ. Թ. 66). «... ըստ այսմ յարացուցի ամենայնիւ գովեալ աստուածասէր և հաւատարիմ միայնակեաց Մարկոս կոչեցեալ. որ է ի գաւառէն Դարանաղեաց, որ այժմ Կամախ յորջորջի. եղբայր գո-